

民國重修大邑縣志

石曾

卷首

民國重修大足縣志

九卷又卷首一卷

中華民國三十四年

新修大足縣志

大足縣志卷首一卷

中華民國三十四年

中國學典館北泉分

館印刷廠排印

大足縣志

卷一

卷一

大足縣圖原目列載卷一沿革前
現因便於閱讀圖徵計移列卷首

民國重修大足縣志序

史者人類生態之記錄所以使先民之活動復現於吾前以為繼往開來之所資也然舊作於經濟文化社會畧所述則待後人就遺編故物鈞沈盤錯覓其業鏤板未廣前古籍多佚而不傳尤有賴於採掘發見以為拾遺補闕之具五十年間在中土事於此而足新史籍之面目顯史實之本真者於史前則有北京人及舊新兩石器期之發見民國十年至二十五年間師丹斯基步達生包文裴文中楊鍾健等於河北房山附近得北京人遺骸之化石二十六年世界生物學家集會美之費城中國代表攜新出之顱骨以赴專家推定其年代約在一百萬年前（此據 Current History 一九三七年五月號頁九五與一般稱北京人年代在五十萬年前者異）遠古期之中國史乃得從科學工作中獲得其首頁矣民國十一二年德日進桑志華於陝寧新及東北等處發現距今十五萬年前舊石器期之遺址步達生又稱北京人為前尼

安台塔爾人則尼安台塔爾人應於距今五萬年前自中國往而定居於歐洲之西南部者時亞洲居民已進化至一新階段有部落之組織挾弓矢之利器遠征歐洲於二萬五千年前逐尼安台塔爾人而代之以始見處稱克羅曼農人說者以為或即北京人之後裔也其時稱新石器期此期遺物在吾土安特生初得之於遼寧及河南等地分齊家仰韶馬廠新店寺窪沙河六期起距今五千五百年以迄四千七百年間當舊史黃帝至沃丁之世後學者於安說復多所修正雖發掘方始獻疑待考要之皆足為古代史實之補證也其關於殷史者則有甲骨文之發見初王懿榮以光緒二十四年始得於藥肆後劉鶚端方羅振玉明義士及中央研究院訪購發掘共獲十餘萬片出土地點在河南安陽洹水之兩岸殷商文字乃於前無所遺中而竟復可考見王國維且據以作先公先王考證世本史記為實錄更撰殷周制度論以比二代之文化至董作賓郭沫若吳其昌輩出推闡益密於殷六百餘年間

之史實燦然大明非二千年來古人之所可夢見他如河南新鄭出土之周器安徽壽縣出土之楚器山東發見譚國之故址河北發見距鹿之舊城今公私所存兩周彝器銘文且三四千具並可據以重譔殷周之史籍也漢晉間新史料之得莫要於木簡光緒二十六年斯坦因訪古於和闐得魏晉人所書木簡數十枚復至敦煌及尼雅河下流得兩漢木簡近千又於羅布卓爾北海頭故城得魏晉木簡百餘其後大谷光瑞希亭及西北科學調查團於吐魯番居延等處復有所得居延漢簡之量且至敦煌之數倍乃可獲知漢時西域兩道之分歧塞上烽燧之次第魏晉間葱嶺以東之國數及西域長史之治所均足以補史闕然猶不如鳴沙石室之足震撼於一世也甘肅敦煌縣東南鳴沙山其麓三界寺旁千佛洞有壁畫至多光緒二十六年擬事修葺一室複壁傾發見西夏時築藏之書庫泰半為六朝以來手寫之墨本漢字外有古梵文古波斯文及突厥回鶻諸文而碑版繪畫刺繡法器亦雜出其

中皆希世之珍顧未為學人之所知至光緒三十三年斯坦因伯希和私取寫本萬卷及諸物之精整者度於倫敦博物館及巴黎國民圖書館民國九年秋政府始拾其餘瀝網載入舊都有力者復又刼索其泰半以殘存儲諸京師圖書館至壁畫後亦遭剝鑿之禍卽世之可見者言之其為中古文物之寶藏有資於唐五代西北史籍之補證則不待言大足於蜀中非通道之所經唐昭宗龍紀元年韋君靖以定亂功加檢校工部尚書拜昌州刺史充昌普渝合四州都指揮又三載築永昌寨於邑之龍岡山居久乃廣雕法象大起浮圖祈邦家之寧今沿崖有窟龕二百餘存象三千許考題記之有年月者自乾寧三年至紹興十六年止則以風氣一成繼事踵華而始蔚為大觀也其胡密一記固足補唐五代史實之脫缺而諸象體態之美服飾器物之備在藝術史社會史上亦可與鳴沙石室相頡頏而續孝堂山武梁祠雲岡龍門之蹟至觀無量壽經一窟敦煌有此題材之壁畫而龍岡則雕鑿以成立

體之傑構異地同工亦可各有其千秋矣他若范祖禹古文孝經及石
恪維摩問病圖壁畫之石刻皆足映輝中外為藝苑之真賞也縣東北
三十五里寶頂山宋勅賜聖壽院之所在中土密宗僅遺之道場而邑
人趙智鳳傳柳本尊法之所建也智鳳初起大寶樓閣於院側今遺址
尚在而雕象十不存一階前有經目塔三級著錄可千種聞與行世諸
藏有異同則有待於目錄學家之研考矣智鳳既而復起廣大寶樓閣
於院前溪源之夾岸環谷里許鑄造幾滿蓮宮紺髻焜耀崖扉而摘報
恩經語榜自造象之端曰假如熱鉄輪在我頂上旋終不以此苦退失
菩提心又為偈曰熱鉄輪裏翻筋斗猛火爐中打倒懸伏請世尊為證
明五濁惡世誓先入所以自警者蓋甚至辛壬間國父以此精神成
革命建國之大業邑人饒國樑亦殉義而收骨黃花之巨塚智鳳異其
代異其事而堅苦卓絕勇猛精進則同宜其以畢生之力成此偉巨之
石刻區而將騰其光彩於世界美術之林也後之人仰先民之遺徽有

所興起則有稗史學又其餘事也矣三十一年大足縣參議會倡重修
邑志之議推陳議長習刪以總纂主其事三十三年成書九卷分方輿
政事人物雜記文徵為五編詞約而事賅政事十一目於民生疾苦尤
三致意習刪不自足復以龍岡寶頂沉晦將千載乃與郭縣長卓吾及
邑中諸賢邀中國學典館楊館長家駱組大足石刻考察團以三十四
年四月往參與者北平故宮博物院馬院長衡立法院何委員遂齊魯
大學國學研究所顧所長頡剛等十五人為之編列目錄鑒訂時代推
拓其碑記摩繪其像飾而內之於志首且由教育部中華教育電影製
片廠攝為電影千餘尺以留真其恭敬桑梓闡潛發幽舉一邑之文獻
公之於天下為功誠不可沒也科前亦擬與考察團諸君子同作大足
之遊以事未遂其願然喜斯志之成不惟為邑乘之新而於史學亦實
有其貢獻爰舉近五十年新發見鏤板未廣前之史料而論定大足石
刻之價值為序弁於編首以與世之賢達共商榷焉

民國三十四年七月孫科

重修大足縣志序

大足縣志清代凡四修而道光志獨著蓋以武威張澍嘗與修之也然澍任縣事甚暫書成卅餘年始經王松刊行頗有疑刊行之際經人竄改增補者是其書亦未盡善也民國建立以來迭次重修徧凡三易皆不饜衆望乃於卅一年由縣臨時參議會提議改作延陳習淵君主其事而與修之人又皆一時之選翰墨所資不煩供億堅苦卓絕以底於成諸君為地方服務之精神實有不可企及者也昔章實齋與戴東原論方志體裁實齋主甯重文獻而輕沿革良以一地之沿革往往寓於文獻之中故金石藝文為修志者所必採也大足南北二山及寶頂山多唐宋時石刻習刪修志尤注意於此稿既粗定邀楊家駱君組織大足石刻考查團藉以探討其邑中遺留最早之文獻衡亦與焉因得遍覽諸山勝蹟摩挲金石遺文其中饒有歷史價值者厥為北山北山者龍岡山也唐末之永昌寨也為昌州刺史韋君靖所建有君靖之等身

石像旁刻乾寧二年十二月靜南縣令胡密所撰建永昌寨記敘述當時東川紛亂之局及君靖守土之功文凡千餘言瑰麗可誦僚屬題名者百六十餘人

陸耀遹金石續編著錄

蓋君靖為東川節度使顧彥朗彥暉兄弟

之部屬是時正彥暉與王建交關君靖建寨以保境安民而沉機觀變固猶不失為賢州將也顧新舊唐書失載其名賴此文以存地方史實故新舊志多已收入其他如唐五代宋初之造像記經幢及游人題名等隨在有之舊志固不備載新志亦因斷限而有所遺考查團乃編入圖徵以存之蓋此等文字雖不如永昌寨記之重要苟參互鈎稽未始不能得若干旁證也此外則南山為宋初道家造像亦多宋人題名寶頂山則為宋居士趙智鳳所建之毗盧道場亦研究宗教者僅有之資料習刪既已將三山石刻攝影擇要採入以作附圖盡再依考查團所編石刻目錄就原石備錄全文為補編以存一地之文獻金石之壽有時而窮著之簡冊庶足以延其壽也習刪書來徵序因略陳管見以備

採擇

中華民國卅四年七月鄧馬衡序於陪都海棠溪

纂志經過

陳習刪述

縣之有志自宋時始張澍重修大足縣志序云宋時黎伯美之靜南古志弗存徵文考獻率從闕如蓋其書散佚久矣明曹能始著蜀中廣記據大足志採入名勝記及畫苑記共若干條今廣記猶可見而大足志則無存者有清一代纂修凡四首為康熙二十五年縣令史彰纂集舊聞彙為一冊未印張澍氏所謂存什一於千百者是也次為乾隆十五年縣令李德任纂修者四人一為訓導張萬策簡書一為典史李成雲文峯一為邑舉人江宏道司祕一即李氏餘一人為李元貴字獻廷疑其幕賓也協事者有陳賢任邱天應邱天文胥鵬閔俊賢譚致中唐則芳楊本通邱天成邱天元羅上賢張大鵬海廷雲王如翰周四簋萬朝寧鄭子龍黃儒盛蔣鑑粟榮信黃典邱冲龍彭世奇傅正及吳文鳳沈玉元王永安楊德純雷電雲楊照明徐敏易世英唐月亭楊文藻楊茂才魏桂堂楊美臣陳國祥唐世昌鄒玉冷東昇嚴長勝黃少益唐伯爵

蔣坤宇戴玉石胡華珍余廷秀胡玉珍諸人姓名具載道光志板本早
毀據李氏序稱志乘闕略其於史志似未寓目後張澍乃云李氏德續
修時猶及見之其信然夫又次為嘉慶十六年縣令趙時奉檄增修已
有成書適調辦簾差委張澍繼任澍病其缺陋冗俗為之更纂旋趙氏
差竣回任澍移署銅梁調南溪越年乃以志稿付趙趙序稱其分類簡
該文詞質古未及付印即受代去所傳僅有抄本至道光十四年王松
節亭知縣事縣人始刊行之列趙時張澍王松三氏為總纂陳國清及
子邦彥為監修李型廉何修德劉天德周中規四人為編輯陳邦傑唐
棣黃性增譚翼雲蔣昌吉鄧維垣梁慶遠賀祚延劉超儒何其睿曾廷
訓黃用中徐維龍李型典諸人為採訪又以訓導張宗驥典史蔡雲駐
防馬駿猷及曾多惠楊文清沈時憲劉大楹李廷駐周禮江炳靈等為
協理楊維垣白受采劉仁粹高登級曾大齡熊炳吳再斌余心樂童觀
陽李標王三錫羅全史張星魁等為校對曾大吉袁添綸向中選吳貴

高尹玉衡李春華徐永固曾恕劉正中裴尚綱蔣大元陳先猷諸人爲督梓自脫稿迄付印時相距已二十餘年王松序稱張氏重加修集未盡完善邑人轉相傳寫每多魯魚且有病其太簡者疑付印時頗有增補今所見道光志殊駁雜不得體要張氏一代良史豈原著固若是耶又次爲光緒元年縣令王德嘉奉令重修編輯校勘爲高雲從劉超儒蔣作霖廖沛霖高繼元廖沛雨楊順芬採訪爲江坦陳新柏羅珊趙共和至三年邑令丁勗昌始印行王序推崇張志以爲有古良史風并稱於太略者詳之應增者補之過冗者汰之自況甚高以對山武功志相比擬而丁序則謂王氏深知著作之難體例一仍舊志其書藏度猶多冗惡失次較道光志更遜一籌民國十五年縣人倡議設修志局按畝捐加派一仙并售濟倉田爲經費延段德焜任纂修李錦心王承烈易子揚胡彤李璵伯沈庸王風張星燦任協修何光斗任事務主任蔣亨衢黎向五唐鼎豐何超文王籬梁益仙龍瑞圖周先烈任調查唐介卿

陶應銓曾廣慧盧地成沈子清歐紹陵蔣雲笙饒作舟龍炳煊任採訪
王小舟何宗祥任繪圖李鳴謙符憲雲段良才李仲璜任謄錄未二年
段德焜歿宋葆靈繼任纂修前後閱六年成書一概照舊志繕錄一過
略增近數十年人物并刪去舊志典禮另立政治一門雜摭清末廢科
舉興學校以後各小學名稱地點及縣以下教育實業各局田產以充
篇幅羣相非難卒未付印至二十五年縣黨部書記長劉行健提議改
修卽於是年成立修志期成委員會推縣長兼委員長黃漢勳為副委
員長延聘宋葆靈劉行健張星燦高驥衢李璵伯龍炳煊為編修委員
王承烈覃紹陽何光斗為財務委員盛陶笙王震西余行堯李植孫謝
秉文鄭凌燦為採訪委員撥善後公債連年債息穀二百餘石以供支
用至二十七年縣長張遂能乃聘閬中人劉文選為總纂仿捷為縣志
體例取當年各機關學校經費諸事分別列表彙為一冊文選為八股
餘孽全無史才文理欠通議論尤謬閱年餘書成提付縣行政會議交